

वय॑ऽ स॒प॒त्नान्पा॒पीय॑सः क्रिया॒स्मेत्ये॒वैत॒दाह॑ ॥ २१ ॥ चि॒त्राव॑सो स्व॒स्ति ते॒ पा॒र॒म॒-
 शी॒येति॑ । त्रि॒रेत॒ज्जप॑ति रा॒त्रिर्वै चि॒त्राव॑सुः सा॒ ह्यीय॑ऽ संगृ॒ह्येव॑ चि॒त्राणि॑ व॒सति॑
 तस्मान्ना॒रका॒च्चित्रं॑ दद॒शे ॥ २२ ॥ एते॒न ह॑ स्म वा॒ऽऽप॑यः । रा॒त्रेः स्व॒स्ति पा॒र॒ऽ स॒-
 म॒श्रुव॑तऽ एते॒नो ह॑ स्मैना॒न् रा॒त्रिर्ना॒ष्टा र॒क्षाऽसि॑ न वि॒न्दत्ये॒तेनो॑ऽ ए॒वैष॑ एत॒द्रा॒त्रिः
 स्व॒स्ति पा॒र॒ऽ स॒म॒श्रुतऽ एते॒नो॑ऽ ए॒न॒ऽ रा॒त्रिर्ना॒ष्टा र॒क्षाऽसि॑ न वि॒न्दत्ये॒ताव॑न्नु ति॒-
 ष्ठन्ज॑पति ॥ २३ ॥ अथा॒सीनः॑ । स॒ त्व॒मग्ने॑ सूर्य॒स्य वर्च॑सा ग॒था इति॑ तद्य॒दस्तं॑ य॒न्ना॒-
 दित्य॑ आ॒हव॑नीयं प्रवि॒शति॑ तेनै॒तदाह॑ सम॒ृषी॑णाऽ स्तुते॒नेति॑ तद्य॒दुप॑ति॒ष्ठते॑ तेनै॒-
 तदाह॑ स॒ं प्रि॒येण॑ धाम्नेत्या॒हुत॑यो वा॒ऽअस्य॑ प्रि॒यं धा॒माहु॑तिभिरे॒व तदाह॑ स॒म॒ह॒-
 मा॒युषा॑ स॒ं वर्च॑सा स॒ं प्र॒जया॑ स॒ऽ रा॒यस्पो॑षेण ग्मि॒षीयेति॑ यथा॒ त्वमे॑तैः स॒म॒ग॒था
 ए॒व॒म॒ह॒मा॒युषा॑ वर्च॑सा प्र॒जया॑ रा॒यस्पो॑षेणेति॒ यद्भू॑मेति॒ तदे॒व॒म॒ह॒मेतैः॑ संग॒ह्याऽइत्ये॒-
 वैत॒दाह॑ ॥ २४ ॥ अथ॒ गाम॑भ्यैति । अ॒न्ध स्था॒न्धो वो॑ भ॒क्षीय॑ म॒ह॒ स्थ म॒हो वो॑
 भ॒क्षीयेति॑ या॒नि वो॑ वी॒र्या॑णि या॒नि वो॑ म॒हाऽसि॑ ता॒नि वो॑ भ॒क्षीयेत्ये॒वैत॒दा॒-
 होर्ज॑ स्थोर्ज॑ वो॑ भ॒क्षीयेति॑ र॒स॒ स्थ र॒सं वो॑ भ॒क्षीयेत्ये॒वैत॒दाह॑ रा॒यस्पो॑ष॒ स्थ रा॒-
 य॒स्पोषं॑ वो॑ भ॒क्षीयेति॑ भू॒मा॒ स्थ भू॒मानं॑ वो॑ भ॒क्षीयेत्ये॒वैत॒दाह॑ ॥ २५ ॥ ॥ शतम्
 ११०० ॥ ॥ रे॒वती॑ र॒म॒धमि॑ति रे॒वतो॑ हि प॒शव॑स्त॒स्मादाह॑ रे॒वती॑ र॒म॒धमि॑त्य॒-
 स्मि॒न्यो॒नाव॑स्मि॒न्गो॒ष्ठेऽस्मि॒न्लो॒केऽस्मि॒न्क्षये॑ । इ॒द्वैव॑ स्त मा॒प॒गाति॑त्यात्म॒न ए॒वैत॒-
 दाह॑ म॒दे॒व मा॒प॒गातेति॑ ॥ २६ ॥ अथ॒ गाम॑भि॒मृश॑ति । स॒ऽहि॒तासि॑ वि॒श्व॒रूपा॑ति
 वि॒श्व॒रूपा॑ इ॒व हि॑ प॒शव॑स्त॒स्मादाह॑ वि॒श्व॒रूपा॑त्यूर्जा॒ मा॒वि॒श गौ॑पत्ये॒नेत्यूर्जे॑ति य॒-
 दाह॑ र॒सेने॑ति॒ तदाह॑ गौ॒पत्ये॑नेति॒ यदाह॑ भू॒मेति॑ तदाह॑ ॥ २७ ॥ अथ॒ गा॒र्हप॑त्यम॒-
 भ्यैति॑ । स॒ गा॒र्हप॑त्यमु॒पति॑ष्ठतऽ॒उप॑ त॒वाग्ने॑ दि॒वे दि॒वे दो॑षावस्त॒र्धिया॑ वयम् । न॒मो
 भ॒र॒न्त ए॒मसी॑ति न॒म ए॒वास्मा॑ऽ एत॒त्करो॑ति य॒थैनं॑ न॒ हि॒ऽस्यात् ॥ २८ ॥ रा॒ज॒न्तम॑-
 ध॒राणां॑ । गो॒पा॒मृत॑स्य दी॒दिवि॑म् । वर्ध॑मान॒ऽ स्वे द॒मऽइति॑ स्वं वै तऽइ॒दं य॒न्मम॑